

蓉  
槎  
蠡  
說

容槎齋說卷第十

歙 程 哲 聖 跋

季漢世評三諸葛蜀得其龍吳得其虎魏得其狗予按  
誕斥賈充禪議卿非賈豫州子乎見王凌毋丘儉夷滅  
據揚州救死背司馬家非背魏也雖遭屠戮麾下數百  
人盡拱手就死曰爲諸葛公死不恨安在其爲狗

南華至樂篇馬生人林膚齋解如馬齒覓人參之類須  
溪云怪奇之至不主故常綢繆訢合展轉萬變強而名  
之謂甲生癸何不可惟馬人語不可磯旣知其寓言又  
必求艸之名馬與人者附會之是癡點半也按須溪云  
語不可磯猶未信馬實能生人史記秦孝公二十一年

馬生人劉向以為馬禍京房易傳諸侯相伐厥妖馬生人後漢五行志靈帝光和元年司徒長史馮巡馬生人風俗通巡馬生胡子問養馬胡蒼頭好此馬以生子晉書建興二年蒲子縣馬生人然則南華非寓言也蓋生非其類人為之孽耳長沙武陵蠻出於畜狗元始祖胎於狼鹿佛書鹿生女明萬曆世戚繼戎家丁竄饒力其父於海島交牝虎而生皆其例也又晉書記劉曜將敗時武功豕生犬上邽馬生牛

冉閔之誅別部也高鼻多鬚濫死者半袁紹誅宦寺亦同猶曰誤於形似也張獻忠屠武昌立兩燹鳩集城中人命宗室子立左庶姓立右而奔趨左燹者眾及下令

斬宗室子刀斧亂下不及辨而首至墮矣求生而反速  
死誰為之哉

光武許赤眉賊三善其三云餘賊立君迫急皆持其首  
降自為功諸卿獨完以付朕似乎完以付者蒙賞持其  
首自為功者罰不赦矣然劉永將慶吾斬永降則封列  
侯李憲軍士帛意斬憲降侯漁浦彭寵蒼頭子密斬寵  
降侯不義三侯之賞皆持其首自為功者所行與所言  
不讎何其大刺謬也

建武九年彭寵為蒼頭所殺漁陽平十一年詔殺奴婢  
不得減罪秋八月詔敢炙灼奴婢論如律免所炙灼者  
為民冬十月詔除奴婢射傷人棄市律十四年詔益涼

二州奴婢一切免為民賣者無還直似皆為不義侯推恩中興英主而左袒臧獲至此何以勸忠

貢禹為御史大夫上書何以孝弟為財多而光榮何以禮義為史書而仕宦家富勢足目指氣使是為賢耳故居官而置富處姦而得利俗之壞敗乃至於是咄嗟少翁乃洞見千餘年事也

世稱高隱為冥鴻夫有姓氏通徵聘何謂之冥楚父老弔龔勝吁嗟龔生竟天天年非吾徒也莫知誰何人王良應徵過友人家友人拒之不肯見曰不有忠言奇謀而取大位何其往來屑屑不憚煩也嗟夫必若楚父老良友人斯則真冥鴻矣

古遯世君子潛深伏隲不止楚父老良友人如晨門荷  
蕢以迄汾亭釣者吹笛生之屬彼其立意皆不欲以名  
傳無論已至如新城三老董公遮說漢高數語即平良  
之籌畫弗逮也然史逸其名壺關三老茂白葢江充奸  
罪其忠悃出在廷公卿之右然史失其姓霍氏誅滅有  
為徐福訟功者曲突焦灼之喻委巷中人皆傳道之然  
不著上書者何人又如信陵客阻受五城者勸歸國者  
寇萊公門生勸公稱疾求外補發乾祐天書之詐者其  
言多合于大道然其名皆不傳予嘗彙錄正史旁及稗  
乘共得二百七十餘人目之曰無名公傳尋復散佚會  
當重集此編因附書于此

四  
同時同姓名予於五卷中略舉數事然不止此光武授  
鄧禹西討令自選偏裨乃以樊崇為驍騎將軍赤眉御  
史大夫又一樊崇也建武三年馮異破赤眉於崤底衆  
寇猶盛蓋延據鰲屋虎牙大將軍安平侯巨卿又一蓋  
延也是年詔拜南陽趙匡為右扶風將兵助馮異擊陳  
倉賊呂鮪九年異行天水太守事攻公孫述將趙匡斬  
之又一趙匡也孔北海父太山都尉仲非關東起兵誅  
董卓豫州刺史之孔仲北海殺左丞黃祖非殺禰衡之  
江夏黃祖白波谷黃巾餘黨另有一郭太若此類可勝  
紀乎

玉燭寶典正月晦日臨河解除婦人或前裙按北齊寶

泰母夢風雷暴起電光奪目遂有娠暮而不產巫媼曰  
渡河湔裙產必易從之生泰宋胡宿銀河詩猶餘仙媼  
湔裙水幾見星妃度韞塵王岵詞曲水湔裙三月三  
新城師蠶尾續集有范文正公祠詩起句云慶曆多君  
子吾思范履霜按文正公喜彈琴然平日止彈履霜一  
操故時人稱之為范履霜

蔡質漢官儀尚書郎入直官供青縑白綾被或錦繅為  
之給帷帳通中枕旃褥冬夏改易侍史一人女侍史二  
人選端正潔被服者侍史從至止車門還女侍史從入  
臺中執香爐熏護衣服故唐人詩春風侍女護朝衣又  
侍女新添五夜香昌黎亦有應知侍史歸天上故伴仙



郎宿禁中句然漢初不爾也藥崧家貧為郎常獨宿臺

上無被枕社

組凡也音廟

明帝夜入臺見之問故始詔大官賜

尚書以下朝夕餐給帷帳阜袍及侍史夫尚書郎有侍  
史榮矣乃張俊又以侍史得賂發其私書敗禍福倚伏  
又如此也

王符愛日篇非意氣不得見仲長統法誠意氣不滿宣  
帝元康詔吏或飾廚傳稱過使客以取名譽韋昭注修  
飾意氣以稱過客而已宋孝武問虞嘯父卿在門下初  
不聞有所獻替虞家近海謂帝望其意氣對天時尚煖  
鰾魚鰕鮓未可致尋當有所上獻按意氣二字饋送之  
謂也乃寒貧乞于市不多取軍騎將軍郭淮以意氣呼

之又何取義也

呂氏春秋白民之南建木之下日中無景呼而無響蓋天地之中也按古言天者三一云天體如轂車南高北下信如此言將何所定為天之中且又何所見地之中符乎天之中也

三月曲水會禊祭也平子南都賦暮春之禊元巳之辰方規齊軫被于陽瀕是也乃劉楨魯都賦素秋二七天漢指隅人胥被禳國子水嬉則用七月十四日漢書八月被於灊上蓋有春禊秋禊之異九日登高而鄴中記正月十五有登高之會隋書元冑傳帝于正月十五日與近臣登高昌黎又有人日登高詩亦不必霜月也容

齊隨筆唐玄宗八月五日千秋節張說上大衍曆序謹  
以開元十六年八月端午獻之宋璟表月惟仲秋日在  
端午然則端午亦無定稱以語不讀書人鮮不失笑  
芒種逢戊是梅天小暑逢未梅方出瑣碎錄云閩人以  
立夏後逢庚為入梅芒種後逢壬為出梅按康熙乙卯  
五月十三芒種十四壬申二十戊寅吳地未梅六日閩  
已出梅

吳興人戴洋年十二病死五日蘇云天使為酒藏吏授  
符籙給吏從以幡麾將上蓬萊昆侖積石太室恒廬等  
山既而遣歸後行至瀨鄉經老子祠皆是昔死時所見  
因問守藏某去二十餘年嘗有人乘馬不行過祠不下

馬未達橋墜馬死者曰有之泗州門監王忠政死十一  
日甦曰天召行雨凡兩隊隸左落隊隊有小項辮二一  
貯人間水一貯乾雨如馬牙硝末風車為殿五方甲馬  
簇之俯視重樓深室囊櫃之物悉見見米粒長數尺劉  
聰子約死復蘇言見元海於不周山從至昆侖王公將  
相歿者悉在國名蒙珠離元海語約東北有遮須夸國  
無主待汝父為之汝且還後三年當來拜辭歸道經一  
國曰猗尼渠餘與一皮囊為吾遺漢皇帝約置几上而  
蘇開視白玉一方題猗尼渠餘國天王敬信遮須夸國  
天王歲在攝提當相見也馳呈聰聰曰審若此吾不懼  
死也三事皆涉妖妄然槩以為妄則藥師代靈山姆行

雨崔敏殼死十八年再生得十政刺史又似有確據學者將何從敏殼累求凶郡徐州居項羽故殿空中大叫何人敢攘吾宅叱之帖然無聲及為華州人聞岳祠喧呼察之庭燎甚盛兵士數百人勅云與三郎迎婦崔使君在州勿妄飄風暴雨群應不敢既出一無所見按此則灌壇令事信有徵矣

呂氏春秋周明堂茅茨蒿柱以示節儉注云茅可覆屋蒿非柱任雖云節儉實所未聞按竹書云周德既隆草木茂盛蒿堪為宮室因名蒿室大戴禮云周時德澤盛蒿大以為宮柱故曰蒿宮禮論云明堂者文王廟以蒿為柱名蒿宮則謂蒿非柱任者誤

昌黎陸渾山火詩女丁夫壬傳世婚董彥遠注玄冥子  
壬夫娶祝融女丁芋俱學水仙是謂溫泉之神升菴云  
韓詩奇董解又奇但不知所出今星家以丁壬為淫合  
亦古矣

家若菴庭詩頗有溫李風調嘗記其題美人畫冊數絕  
句甚佳特錄其二明妃云蓬轉沙奔不顧身披香一出  
靖邊塵漢家殊待功臣薄麟閣何妨画婦人文姬云拍  
盡哀笳淚不乾風悲日慘紫貂寒玉關猶向生前入千  
古交情一阿瞞

阮籍詠懷應龍沉冀州妖女不得眠平子應問女魃北  
而應龍翔注女魃旱神也北退也應龍能興雲雨者也

蚩尤作兵伐黃帝帝令應龍攻之冀州之野應龍蓄水

蚩尤請風伯雨師從大風雨黃帝乃下天女曰妖山海經作魃雨

止遂殺蚩尤妖不得復上所居不雨自蚩尤作兵以下注引山海經第十七卷大荒之中

有山名不向中一段升菴取證按山海經十四卷東北隅山名凶犂土丘應

龍處南極殺蚩尤與夸父不得復上故下數旱此沉冀

州三字注釋未可遺也

易之昌宗為高士圖圖武三思李嶠蘇味道等十八人

予笑曰今世高士多類此但惜無圖之者

杜句天棘蔓青絲鄭樵解天棘為柳升菴斥其妄茶瓜

留客江蓮白羽之日柳已老可言絲乎此斥當矣至以

天門冬在恒山名顛棘顛天聲近妄又過鄭其解離騷

來吾道夫先路為先路三就絕無意味以方麴障面為竹織方扇而引說文蠶薄之曲周勃織薄曲為證亦未見確大約升菴無奈一肚皮書卷何耳

玉溪生詩徵事與博楊文公談苑謂其為文多檢閱書冊左右鱗次號獺祭魚故猶韓筆杜詩無一字無來厯如飲席戲贈同舍七律項聯有珠樹重行憐翡翠玉樓雙舞羨鷗鷄之句朱長孺引爾雅說文楚詞注等書以證翡翠鷗鷄頗疑於重行雙舞云云無著家漸干孝廉崑補注義山集言上句本左思吳都賦翡翠列巢以重行下句本謝惠連雪賦對庭鷗之雙舞洵非熟精選理不能窺尋及此然其運用無跡令人不覺空迴與後之



得樵西岷者不侔也

買絹牙郎婦婢所鄙而聚徒教授至於懸納絲粟留質衣物如北海陰鳳華陰徐遵明張吾貴等又牙郎不若惟退之撰平淮西碑韓弘酬絹五百疋杜牧之撰韋丹碑江西觀察使許于泉酬綵絹三百疋為無慙耳

宛陵馬雲顙

文開

先生好古篤學君子也博極群書所

著詩文集凡若干卷其小品最工嘗記書福齋銘一則

尤足以發矇警瞶特錄于左高景逸先生曰人有福方

肯讀書友人黃山湯樵者

燕生

標示壁間予反覆思惟

誠有味乎其言之也歸而自署其坐處為書福齋雖不敢自詡有福人而自少而壯而老實未嘗一日不讀書

也因銘曰無福之人書不肯讀兩目昏矇寸心迷忽是  
謂陳人沒齒碌碌馬牛襟裾可笑可哭維彼詰良挾冊  
丹黃囊螢映雪刺股懸梁坐雨漂麥鑿壁偷光其尤上  
者進修德業周讀百篇孔編三絕有若掌焦子淵髮白  
思昔先民實獲我心開卷有益揖讓古人如彼聰睿尚  
爾研矧余庸衆敢不時勤予無他福讀書為福飢可  
無餐寒可無服耽耽一卷性命攸屬少壯呶唔老而益  
篤六十餘年有榮無辱朝斯夕斯惟日不足死而後已  
來生再讀

沈存中駁韋楚老十幅紅綃圍夜玉十幅為幃方不及  
四五尺不知如何伸脚詩人但引成數耳寧必定曰三

十幅邪如此評詩與譏少陵仰面貪看鳥二語為心不在焉不得其正何異又按東坡句喬松百丈蒼顙鬚世有百丈松哉

太平縣龍門鄉黃金塢有浮田繚曲於盤龍諸山麓間紆環可三千六百餘步衡約五之一中有黑壤三百餘畝以手探之深不越數寸下即水釋手旋合足踐俱動若一池浮萍者然同水升降溢則平湖中擁一洲涸則四面土壤中陷窪澤每歲麥秋盈丘有草結實不種自生熟時童兒携箕斂之日可得斗以作食香味殊絕然山谷中一種陷田類多泥當其溢時為水沒耳不能出水上也夫土藉水載而不逐水流水潤土以生而不決

土以潰類推之大地不過海中浮田豈僅龍門鄉黃金塢云爾哉又按農書江南架田一名葑田以木縛架為田墜以葑泥繫浮水畝故南方有盜田之訟滇南則名

海簪

音牌

家偕柳僑居宣城東鄉曰水東嘗述崇禎初歲有鬼盜田六月炎暑居民露坐納涼遙望數里外黑氣騰藉聲息湧沸少年負膽勇者十許人趨視之不能逼近及曉黑氣散奔看則衆田中一區約畝有餘鑿深三四尺其平如砥施愚山先生曾親見之

唐烈婦曹氏浙之海寧人歸同邑唐之坦之坦九月卒曹先後求死者凡七俱以營救不得死至十二月望日

乘間自經死年二十五時庭中臘梅初放曹頤而歎曰  
昔董節婦有菊花詩美其不落此花亦然吾當賦詩贈  
之添得冰霜枝葉無此花自與衆芳殊共知秋菊貞心  
在尚有黃梅抱樹枯嗟乎可以識烈婦之志矣

世傳仙去或為神者每以為誕試舉數事皆確有所據  
餘姚戚編修瀾母服闋入都夜過岷山橋見燈火人馬  
夾岸戚推篷謂曰為迎我者前驅悅忽皆前抵錢塘死  
丘瓊山夫人赴京道出鄱陽夢告吾戚某瓊山同館友  
善今職潮神來日風波戒勿行比明託故止同樣數十  
舟盡漂沒丘為詩及文屬藩使李贊望祭之山陰祝僉  
事繼志領南昌道役表還道病謂婦病不可藥也將有

所之差勝此婦驚問不荅曰非久自知之越數夕一家  
人某者聞天樂自西南來見白馬神官下入其堂南面  
坐呼某跪曰南昌缺城隍帝須爾主入促之某起趨入  
跪促主如神官言舉家怖迷所以祝令取朝衣冠服之  
又令汲新釀酒三盞列香爐於几祝飲酒畢赴廳事群  
僚畢集觀者數百人某持弓矢射者三曰隘爺路祝登  
座執手板俛雨如注霹靂震其墀逝矣櫬停道中香縷  
自櫬出遇物輒發入舟亦爾朝邑劉偉仕至太守好神  
仙比病命其子毋莖韓邦奇劉甥也爲山西僉事一日  
閤傳偉名紙入憲使張璉問之韓言舅氏歿已久人傳  
仙去今名紙其人也延之入戴古氈笠青絹袍一童子

肩布囊扶之從中道緩步前起居無異但簡言手茶而不飲韓邀就旁室勞苦荅曰久別特來視汝留款不可別語韓汝弟邦靖可速歸矣蹤跡之止一遠寺韓次日報訪寺僧曰昨有劉知府寓方丈言進謁韓公去矣邦靖歸未幾卒劉家人聞之發棺惟一屨存然則真宗東封之賀水部豈誣哉

蜀之寡婦猶賢於買臣之妻然為買臣妻者不勝錄也慕容暉祭酒王歡貧時不營產業丐食耽學妻焚毀其書求去非其類乎而令買臣妻獨蒙惡聲惡其始作俑耳

楊存中多髯而善逢迎號髯婦嗟乎今之婦而髯者殆

舉世也郭景尚之為郭尖姚洎之為白鸚鵡其流亞矣  
楞嚴云心重世名好遊族姓乃知佛亦不絕此種

洪容齋云易乾坤下六卦皆有坎聖人防患備險之意

也屯

震下坎上

蒙

坎下艮上

未出險者也

訟

坎下乾上

師

坎下坤上

方履險者也

戒之宜矣若夫需

乾下坎上

者燕樂之象

比坤下坎上

者親附之象

乃亦有險焉蓋斤斧鴆毒每蔽於衽席杯觴之間而詡  
詡笑語未必非關弓下石者也嗟乎頭落果梓刀蔽笑  
裏由來久矣豈俟讀易而始知

金之圍汴也幹離不索犒師金五百萬兩銀五千萬兩  
綃綵各一百萬匹馬駝驢騾之屬各萬計宰執哀聚金  
僅及三十萬兩銀及八百萬兩復議括官吏軍民立限



得金二十餘萬兩銀四百餘萬兩後姚平仲劾寨封丘  
門接戰金人不俟金幣數足退及紹興賂金歲幣銀二  
十萬兩絹二十萬匹又貼耗銀二千四百兩每歲例增  
銀二百餘兩若正旦生辰遣使每賜禮物金器一千兩  
銀器一萬兩綵段一千匹嗚呼青苗手實而巧取之犒  
師歲幣而奢耗之宋可謂有人乎

漢有三延年嚴延年以酷棄市田延年以詐增僦車自  
刎死名皆在酷吏未嘗延年獨杜延年以寬和老病乞  
骸骨可謂延年矣嚴母歸東海埽除墓地未審其骨得  
入墓地不也

昭帝時有兩杜延年一為謁者與燕王旦交通一即諫大夫為杜周  
子以發覺燕王旦反謀封侯見元鳳元年詔書則其一蓋不免矣

楚靈王愛細腰故其臣皆三飯為節脇息而後帶循牆

而後起

墨子

莫敖子華對于楚威王曰昔者先君靈王愛

小腰楚士約食馮而能立式而能起

戰國策

楚莊王好細

腰故朝有餓人

荀子

一國有飢色餓人

尹文子

楚王愛細腰

宮中多餓死

後漢馬廖引傳

齊王好細腰後宮有餓死者

風俗通

一事

而層見疊出互有不同如此

先主取蜀杜微佯聾閉門不出致煩武侯坐上與書龔

壯亦不仕李蜀稱聾終身不復入成都果哉此兩聾人

樊噲為天水太守道不拾遺行旅至夜聚衣裝道旁曰

以付樊公王渙除溫令境內清夷商人露宿有放牛者

輒云以屬稚子稚子渙字也然渙傳循吏而噲傳酷吏

乃其治効輒相似

盧子幹植臨卒勅其子儉塋不用棺槨趙邠卿岐年九十餘自為壽藏圖季札子產晏嬰叔向四像居賓位自圖像居主位勅其子墓中聚沙為牀布簟白衣散髮其上覆以單被是亦不用棺槨裸葬正不獨一楊王孫匈奴寇廣武間荀恁名節相約不入荀氏閭漢末寇賊約勅不犯徐脩閭釋子當時君相未聞表廡宅里也

杜根觸和熹鄧后詐死逃宜城山中為酒保十五年酒家知其賢敬禮之李固子變避禍入徐州界變姓名為酒家傭酒家以女妻變舉世悠悠盡盲誰識青帘中猶有人

漢兩李杜前漢李固杜喬死於梁冀後漢李膺杜密死

於侯覽鈞黨漢末閹宦擅恣士以遁身放言為高有不  
談此則芸夫牧豎已叫呼之而不知其禍之烈也

新城先生云宋羅鄂州古文南渡後第一宋文公所推  
重爾雅翼後序通篇用韻尤奇創宋文憲公序仿其體  
猶昌黎之志紹述余方重梓鄂州小集亦先生遺意也

夏統斥女巫章丹陳珠吞刀吐火靈談鬼笑正矣及洛

市上已為賈充水戲初作鰩

音烏鰩支音烏鰩

躍後作鮪音鮪鮪

音孚江豚

引飛鷁首掇獸尾奮長稍而船直逝者三既又作

慕歌河女之章小海唱以足叩舷引聲喉嚨含水嗽天  
集氣長嘯得毋亦蕩而妖乎木人石心何以有此也

按婦人有謚即晉一代疏之虞潭母孫謚定桓溫母孔

謚敬賈充婦郭槐謚宣然則漢伏生女以尚書受鼂錯  
符秦太常韋逞母宋傳父業周官音義年八十於家立  
講堂置生員百二十人隔絳紗幔受業謚宣為文韋母  
故號宣文君矣

閻百詩若璩先生曰駱賓王檄袁君山之流涕未識何  
人若謂袁安安字劭公後讀庾子山哀江南賦方悟賓  
王誤記袁安桓君山為一蓋庾賦上云袁安之每念王  
室自然流涕下即繼以昔桓君山之志士云云也古人  
如此失處甚多誠能一一是正之豈非快事

冢女活不獨干寶一事也晉太和年有開周時冢得殉  
葬女子數日有氣數月能言郭太后愛養之又太原人

發冢破棺有一生婦人問其事不知其墓木可三十年  
晉惠世杜錫家葬婢悞不得出後十年開冢紂葬婢尚  
生猶十五六歲女子嫁之有子

晉康獻褚皇后凡四臨朝攝政閱穆哀海西孝武前後  
所未有也后名蒜子異哉此蒜子也

王戎家好李惡人得種鑽其核和嶠家亦有好李帝索  
之不過數十王濟俟其上直率少年詣園共啖之盡伐  
其樹而去快哉武子嶠即欲鑽核可得乎

晉時人士目阿平第一 王澄 子嵩第二 庾敳 處仲第三 王敦

按澄殺降激亂居富取資種種不道安在其第一數聚  
斂積實行亦甚鄙亦未見第二之佳也乃第一竟為第

三人所殺

侮舅之甥有二家王獻之兄弟當都超未亡時見情躡履問評超亡展候命席辭避方回慨然曰使嘉賓不死鼠子敢爾耶謝絢於公坐戲調其舅素湛湛甚不堪曰汝父昔已輕舅汝今復加我可謂世無渭陽情也絢父重乃王胡之外孫亦有不協之論重故司馬道子所譏居心不淨者也嗟夫賈淑習鑿齒伊何人哉

韓湘詩後夜流瓊液凌晨咀絳霞琴彈碧玉調爐煉白硃砂按廣西北流縣有白砂洞石膏玉英散采流光凡砂生於此其色獨白

中峰老人山居詩白髮不因栽後出青山何待買方歸

水居詩四壁烟昏茅屋窄一天霜重板橋低老岸欲墮  
添野葑廢塘將種補新泥數點鴉聲迎暮雨一行魚影  
漲春潮塵居詩綠松紫芥攔街賣白米青柴倚戶收語  
皆清絕

憐君辛苦愛君才落筆無休萬卷開肉譜源流名士傳  
甘陵子弟黨人魁多年臥閣危難下一夕重泉喚不回  
如此凶荒行亦得驚聞詩卷散堪哀少同諧笑老還踈  
時憶城南共學初斥產錢空收卷軸埽門人雜撒衣裾  
養砂鍊汞迂難療挽海移山顛總虛今日憑誰談往事  
黃壚一過一欷歔此梅泰順雪坪明府哭其妻兄沈顓  
方鄴泌詩也沈世家子少負才落拓不事生產又好講



內外丹率為方士所誑家益貧然座客常滿無賢不肖  
多趨之典衣貫酒率無虛日垂老不良於行坐卧一棲  
手未嘗釋卷五行並下一目不忘七步吟成八義賦就  
洵當代一異人已丑病歿詩文稿不知誰何竊去偕柳  
母為余言輒撫膺太息不能已已讀雪坪二作足抵一  
篇小傳鬚眉聲容猶將髣髴遇之

容槎蠡說卷第十

容槎蠹說卷第十一

欽 程 哲 聖蹟

月令季春田鼠化為鴛夏小正八月鴛為鼠是二物交  
化如鷹鳩然田鼠亦名鼯鼯脚絕短僅能行尾長寸許  
目極小項尤短最易取別本田鼠一名鼯莊所云飲河  
不過滿腹者恐未是鴛即今鷓鴣多有毒鼯及魚化  
者不專田鼠又魚鼯亦或化為田鼠楊文公談苑正道  
二年夏秋汴人鬻鷓鴣車載積市皆蛙所化猶有未全變  
者隆慶辛未夏秋大水蘄黃瀕江處鼯鼠徧野皆鱖魚  
所化蘆稼之根嚙食殆盡按鷓鴣二物不類難混為一  
鷓由蝦蟇海魚化終復卵生故四時常有鷓則由田鼠

化終復為鼠故夏有冬無且鵲有斑鶴則否

秦改周一斤之制更以溢為金之名數按二十四兩為

一溢溢蓋與鎰通耳又按朱提銀重八兩為一流流字

義不知作何解

古擣菰六博彈碁蠟鳳諸事今皆罕傳暇時取馬弔王

譜京譜參考詳定都為一卷曰無聲落葉亦宣聖博弈

猶賢之意因稽載籍昔賢游藝有纂撰可徵憶者附疏

於後投壺經郝冲上官儀投壺新律卜恕投壺新格司馬光傾

壺集劉仁碁勢徐泓王子冲碁評梁武天監碁品柳惲碁經要

略韋忘憂集劉仲棋圖義例徐鉉四聲角圖楊希博塞經

劉邵皇博經魏文帝小博經鮑玄大博經呂才象經周武帝王褒何晏象戲格

尹洙晁

古局象碁圖

司馬

樗蒲經

盧還京

五木經

李

彈碁經

梁冀徐廣

雙陸格

王

打球儀注

張直

打球要略

章

骰子彩

選格

李

尋仙彩選

劉蒙

文班彩選格

楊

皇宋進士彩選

趙明

宣和彩選

王慎

擊蒙小葉子格

南唐李后

打馬格

謝景初

除紅譜

朱

和牌譜

顧若

毋陣篇

素太

捉臥甕人格

趙昌

採珠局

格金龍戲格款飲集盡歡格角力記

曹氏

晉王珣兒婚賓客車騎甚衆聞王雅拜太子少傅回詣

雅者過半余曰晉世風俗猶厚留者仍半也若在今世

安有留者

酒云飲亦可云食于定國傳定國食酒至數石不亂師

古曰謂能多飲猶左傳所謂食言也今流俗書本輒改

食字作飲字失其真矣

世說羅友曰欲乞一頓食而飲亦可云頓宋明帝文章志王忱嗜酒醉經日時以大飲為上頓

顧愷之與謝瞻連省顧月下吟咏謝遙贊之顧彌自力  
瞻眠令人代已顧不覺有異遂至申旦張鏡與顧延之  
鄰居頗談議飲酒喧呼不絕張寄如也後類於籬邊聞  
其與客語設湖牀坐聽指謂客此中有人由此不復酣  
叫愷之癡而招侮張默而取敬士君子於此何去何從  
東西漢外戚數十族鮮有全者不獨豪橫無道致舉族  
烟滅即清修謹慎遠權勢亦未見辭其殃也和熹鄧后  
兄騭檢勅宗親讓國遜位橫遭宮人誣告一門七人並  
不以命章德實后弟瓌節約自修出守外郡而梁棠兄  
弟逼令自殺安在履謙而免禍也蓋天道忌完賢智亦

所不免然則士庶家欲世享其豐腴烏可得乎

門下掾王望歲首舉觴諂稱齊郡太守功德議曹吳良在下坐勃然進曰望佞邪之人願勿受其觴汝南太守歐陽歛於十月享會下教督郵繇延忠貞公方共論其功顯之於朝太守嘉厥休牛酒養德功曹郅惲愀然前曰司正舉觥延貪邪構姦所在荒亂明府以惡為善敢再拜以君之罪告謝於天一奪其觴一舉罰觥劉直之氣前後一轍悠悠千載斯人可多觀哉

封胡遏末萬子韶

穆度

為封據子朗

長度

為胡奕子玄

幼度

為遏安子琰

瑗度

小字末婢傳云末謂川豈琰又

名川耶傳云韶朗川並早卒惟玄以功名終余按朗終

東陽太守玄都督七州康樂縣公琰都督五郡望蔡公  
討孫恩至千秋亭為帳下督張猛所害韶無聞別本又  
云韶為末朗為封玄為遏淵為胡淵玄兄奕第二子按  
謝衡二子長鯤次裒鯤子尚裒子奕據安萬石

溫庭筠荅段柯古見嘲詩云彩翰殊翁金繚繞按漢禮  
樂志赤雁集六紛員殊翁雜五采文孟康曰殊雁頸言  
其文采殊異也

撫言王勃舟次馬當逢中元水府神送帆序滕王閣回  
又見前叟曰吾少有煩於子昔與長蘆戲翰未償子過  
其祠幸為焚陰錢一萬余笈曰此為帆風索謝也鬼尚  
有賕而況於人乎

龍涎能斂香氣不散孔雀尾能收聚散落諸香天生神物供人清賞然龍通體盡香不獨涎也嘗暑月龍過遺電庭陰幾尺許潔竝甌貯之踰年發視則珠璣粲然未化色微紅而香觸鼻試以茗中泠康王谷恐未逮矣

張霸伯饒博覽五經諸儒慕之市宅其旁就學及守會稽郡中爭厲志節習經者千數道路但聞誦書聲此蜀文翁再見也子楷門徒受業父黨夙儒偕造門貴戚家起舍巷次邀過客往來之利楷恥之徙避弘農山中學者隨之所居成市華陰山南爰有公超市真濟美世其家者也但伯饒辭交鄧隲公超以五里霧繫獄少遜耳楷子陵歲首朝賀勅席賁奪大將軍梁冀佩劍冀跪謝



四  
不  
應  
又  
何  
其  
剛  
毅  
也

青藤丈人昨見篇詠偶當其為偶辰我即薪視爾我怒  
爾脣闔我笑爾脣啓凡我所控提爾即如我自爾自不  
覺知昧我蓄薪意讀竟喟然歎方知信夷越醢即在初  
年何俟野雞喋喋故士高志者成則為范蠡敗則為田  
橫一刀割截無用再計

漢永平十八年西域焉耆乘中國大喪攻沒都護陳睦  
建初六年定遠侯超縛收焉耆王廣尉犁王汎於陳睦  
故城斬之元初六年車師後部與北單于攻沒長史索  
班延光四年超子勇發騎大破車師後部捕得其王軍  
就及匈奴使者將至索班沒處斬之皆傳首京師報忿

雪恥功出班氏父子然漢威靈遠矣亦幸其時無妒功  
匡衡之徒以文法議其後耳郅支殺使者谷吉漢不能  
報幸甘延壽陳湯傳其首宜懸橐街而衡緣月令埋齒  
之文沮敗之勞臣宣威萬里而此皆假仁義肆其刀筆  
不知有國恥持祿養交被阿諛之譏何以逃吏議乎  
有適異域者見河魚群集不取詢土人對曰水中蟲語  
之此蟲可食蓋彼俗不知取而食也近遣戍寧古塔回  
者誌其風土有刺姑似鰕而螯類蟹長盈寸擣成膏以  
祀先可知東海之鼈北溟之鯢惟不識網釣故喁然成  
其大

梅雪坪細書隨筆云竺典言造書凡三人與余一卷所

載略同但佉盧作伽盧異耳又云 本朝字亦左行造  
字者曰薩海沈宮詹荃嘗疏請崇祀亦異人也

窯器所傳紫禹官哥鈞定可勿論矣在勝朝則有永宣  
成弘正嘉隆萬官窯其品之高下首成窯次宣次永次  
嘉其正弘隆萬間亦有佳者其土骨紫白料法也至藥  
水法也底足火法也蒼青彩画法也所忌者三碯澤不  
具曰骨罅折曰蔑邊毀剥曰茅 成窯之草蟲可口子  
母鷄勸杯人物蓮子酒盞卮蟲小琰青花小盞其質細  
薄如紙蒲萄肥杯五色敞口匾肚齊箸小碟香合小罐  
皆五采者成杯茶貴于酒采貴于青其最者鬬雞可口  
謂之雞缸神宗時尚食御前成成宣肥杯皆非所貴 宣窯

缸一雙已值錢十萬

之祭紅杯盤有通體紅者有紅魚者百果者有西紅寶

石堊塗燒者其寶光凸起紫黑者火候失也青花有茶

肥杯

龍及  
松梅

有酒肥杯

西人物  
海獸

硃砂祭紅少大器壺物有色

紅鮮白鎖口者有竹節酒壺小壺匾罐皆罩蓋者鑪餅

杯碟敞口花尊蜜漬桶罐多五采者白壇蓋心有壇字

暗花白茶淺瓮肚釜底線足裏有龍鳳暗花底有大明

宣德年製暗款坐墩有漏花填采皆深青地有藍地填

采有白地青花有冰裂紋其形以拱面為上四面次之為

其積水故也又以花款青堊光素品者次之水注有五

采桃注石榴注采色雙爪注雙鴛鴦注鵝注筆洗有魚藻

洗葵洗罄口洗螭洗雨臺鐙檠幡幢雀食罐蟋蟀盆

徐應

秋曰宣窯不獨款式端正色澤細潤即其字畫亦精絕嘗見一茶  
盞乃西軒羅小扇撲流螢其人物毫髮具備儼然一幅李思訓畫  
永窯

之壓手杯傳用可久擊口折腰沙豆滑底外深青花內

雙獅毬球內篆書永樂年製細如粟米鴛鴦心次之近

倣蠡厚約略形似耳嘉窯酒杯其極低小磬口者有

三友花者稱窠水藻者次之芝草者又次之壇殘大中

小三號內茶字者為窠橄欖字酒字棗湯字次之薑湯

字又次之薑湯不恆有殘色以正白如玉斯美聖嫩則近青聖不

淨則近黃其青花五色二窯器製忠備有三色魚匾殘

磬口饅心圓足紅鉛小花合子等有大如錢有青花有

紅花蓋永尚厚成尚薄宣青尚淡嘉青尚濃成青為蘇

渤泥宣青名麻葉青宣采未若成采淺深入西也嘉萬

之回青特為幽菁鮮紅土絕色正礬紅而回青盛作

隆窯之祕戲不入鑒藏他物汁水瑩厚如堆脂汁故名

鷄皮橘皮質料厚實不易茅蔑也官窰坯器乾經年方

用車碾薄上堊水候乾數次故入骨最堅而厚出火口

足堊不滿者則碾去土堊更燒之故有雞橘紋起用久

口不茅身不蔑其發梭眼蟹爪紋者堊中心小疵反以

諗火候之到亦如宣鑪熱銃他鑄無及者至于別見他

產者略疏于後彭窯

元時戲金匠彭均寶效古定器制折腰樣者甚佳土脉細白者與足器相似青口欠滋潤極鬆

脆稱為新定近景德微者用青田石粉為骨燒造名為粉定堊粗骨鬆更不佳

龍泉窯

出浙江慶州龍泉縣與哥窯共一地道宗時名曰青

瓷明窰移處州府處州青色土堊火候較舊龍泉質劣古器質薄一種盤底有雙魚外有銅撥環體厚者不佳

象窰

出浙江寧波府象山

縣似定而粗色帶黃有蟹爪紋色白滋潤者高俱不貴

歐窰

出南直常州府宜興縣明歐姓者燒造有倣哥窰紋片者有倣官鈞窯色

者采色甚多皆花監匠建窯出福建泉州府德化縣其色有甜白青色深

擊口色黑滋潤有黃兔斑清珠大者出江西饒州府浮梁縣景德鎮

甚繁其淋至甚肥靈透與定相近而稍有異明官窯皆出於此其官造窯小

之失祭紅以西紅寶石為聖又有珠砂點翠青花點色不同聖肥俱有橘皮

厚久用而不茅茂御土窯體薄而潤最好素折腰樣茅口者體薄色潤瑩白

欠潤有青色及五色花者今燒此器佳者色白吉窯出江西吉州府廬陵縣

而瑩最高青黑色殷金者多是酒壺酒蓋之屬吉窯永和鎮色與紫定相類

體厚而質粗不足貴宋時有五窯書公燒者佳有白紫二色花餅大者直數山

金小者有花又有碎器亦佳相傳文丞相過此窯器盡變成玉遂止不燒

西窯出太原府榆次縣平定州陝窯出平涼府平涼華亭兩縣廣東窯出潮州府

類高麗窯器類饒產有甜白色而聖乾燥微近黃皮粗骨輕花素不等大

食國器

以銅骨為身起線填五采藥料燒成俗謂法瑯是也

出河南彰德府磁州與定器相似但無淚痕亦

有劃花繡花素者值昂于定新者不足論也

古次器

蝎毒蟲也少陵早秋苦熱每愁夜中自足蝎而東坡踰  
嶺南還照壁喜見蝎人生愛憎亦安有定邪

霍原有重名貴游子弟欲與相見以其澁不盡詣夜共  
造焉此其為貴游子弟也後歸鄉里幽州刺史許猛將  
詣之主簿當車諫猛歎恨而止彼定交杵臼之間及為  
豫章不先入廨便問孺子所在者伊何人哉

劉玄佐欲斬一軍將而非其罪無敢辨者處士鄭沙詣  
玄佐都無言及別曰聞某抵刑乞令所由付其首一觀  
怪問之曰嘗聞枉死人面一生未識故借看耳此與王  
偉元步擔乾飯兒負鹽鼓諸生隨者千人送所役門生  
到縣磔折立土牛旁執手涕泣去同一機變將無儒家



所謂可與權或在是

東漢十常侍禍誠烈然中官豈無賢者呂強之於蔡邕  
孫程張賢之於虞詡則其人也詡為權宦張防所陷程  
救尤力云詡為陛下盡忠而張防構害今客星守羽林  
其占宮中有姦臣宜急收防送獄以塞天變時防立黜  
座後程叱曰姦臣張防何不下殿及順帝問諸尚書賈  
朗袒防證詡罪然則苛論者安得執曹節王甫槩若曹  
哉

漢崇武事故諸刺史太守皆稱將

如皇甫規自訟疏吏推報將之  
怨張奐奏記段熲得過州將等

而當國握權者稱大將軍然則丞相之設無謂矣乃水  
旱天變歸罪四輔何尸其位而受其罰也

東漢桓竇后靈何后俱以<sup>淫音</sup>豫不決覆其宗以及國  
竇傾其父武何陷其兄進雲臺之遷永安之弑固其宜  
耳

漢高紀蕭何為主吏主進師古曰進者禮會之財也字  
本作賁陳遵傳陳遂與宣帝博數負進帝後詔云可以  
償博進矣一說進勝也帝博而勝故遂有所負

王恭深信佛道其斬於倪塘臨刑猶誦佛經殷仲堪精  
心事神不吝財賄而嗇於周急桓玄逼令自殺死於柞  
溪二癡人至死不悟彼蓋與速赴極樂耳殷尤刻忍與  
何充供給沙門糜費巨億親友貧乏無所遺同地獄之  
設正為是人豈不信然

客問人解鳥獸語未審物亦解人語否余曰解童恢為  
不其令席暴人檻捕二虎恢大聲曰若殺人者當服罪  
不則呼冤一低頭閉目震懼一視恢鳴吼自奮其證也  
許武自取肥田廣宅強奴婢以成二弟晏普名童翊陽  
喑不肯仕讓兄辟舉後人評武去小名取大名非士君  
子中道充是說也盜名而竊位是亦穿窬之類也陽喑  
斯為得矣

林霽山詩集中有孤山五言律末句耳孫今白髮持酒  
酌寒蕪因戲評和靖無妻耳孫從何得定是鶴胎耳既  
又思之鶴胎不足異楊大年生時宛然鶴也令威蘇耽  
及沙苑中箭道士人間自有此非神仙勾誕惟脫騙文

皇帝金梁羽人斯足稱幻耳

劉臻妻陳氏荅舅母書元方春秋始富德業亦隆弘道博文才質兼備季方冲幼過庭莫聞聖善明訓業成三徙謂其弟陳統陳紘是又一元方季方不僅太丘二難也又按紘一字偉方

酉陽雜俎有諾臯支諾臯西溪叢語引左傳襄十八年中行獻子梗陽之巫臯以為取義出此何影響寡聞也遁甲中經住山林咒曰諾臯太陰將軍則諾臯乃太陰名耳抱朴子亦云道士入山禹步三咒諾臯太陰將軍宋章申公父年七十食柑佳收核種之坐人竊笑然公食柑十年柑不十年不生蓋九十餘坐上客何輕量老

人也東坡六十二作白鶴峰上梁詩自笑先生今白髮  
道旁親種兩株柑坡不久南旋此柑遂不及啖

魯公疏太宗制立仗馬有急奏須乘者聽至開元僅為  
禮儀李林甫所云一鳴輒斥者也按白虎樽尚有發者  
竟太宗朝不聞乘仗馬奏事

吳鱗潭

苑

先生為司成時有太學新立進士題名碑紀

事一篇其序云進士題名碑舊在太學 國朝制科始

丙戌碑列大成門東廡後一十七科未之繼也謀於朝

列伐石鳩工豎之大成門左右閱一月探明進士碑計

永樂至崇禎凡七十八科土蝕蘚剝僅存三之二朱太

史竹垞作日下舊聞嘗慨其闕余徘徊既久令吏掘地

搜索之首獲宣德庚戌次獲成化甲辰二碑皆先族祖  
登第之年既而碑盡獲惟缺永樂首科一日宮牆傾群  
吏譁曰永樂碑得矣一代之制遂全後於啓聖祠中得  
元碑三一為正泰國子貢試名記蒙古色目漢人列三  
榜皆有正副一為至正十一年進士題名記蒙古色目  
為一榜狀元朶列圖漢人南人為一榜狀元文允中皆  
無榜眼探花一為至正國子中選題名記蒙古賜正六  
品色目賜從六品漢人賜正七品亦有正副又可徵一  
代取士之制

札木言於汪罕我是君白翎鵲他人鴻鴈耳言已心堅  
寒暑常在北不似候鴈南飛就暖也呂吉甫反覆倏忽

信乎為王家雁臣然悠悠斯世其不為隨陽鳥者鮮矣  
蜀都賦傍挺龍目側生荔枝杜句側生野岸及江浦未  
嘗以側生即荔枝乃山谷題楊妃病齒則云多食側生  
損其左車直為荔枝增一嫌名矣

按屠蘇亦未確指一物杜冷淘詩願憑金腰裏走置錦  
屠蘇魏略李勝為河南太守郡廳事前屠蘇壞則廣雅  
平屋之解得矣乃孫思邈有屠蘇酒方又冠有屋者名  
屠蘇元康中商人皆著大障諺曰屠蘇郭日霞兩耳會  
見喝兒作天子

子規之聲曰歸去了故人但知為催春歸去之鳥不知  
又為先春而鳴之鳥史記曆書百草奮興姊規先澤索

隱曰子規春氣發動則先出野澤而鳴是也

升菴云大司徒里宰以歲時合耦于鉏鄭玄注鋤里宰治處若今街彈之室趙明誠金石錄昆陽城中漢街彈碑一證矣今則申明亭按管子韓公問篇湯有總街之庭以觀人誹更是一證在周漢前

祝欽明作八風舞廬藏用譏之曰五經埽地然藏用故仕宦捷徑人也按儒者云脅肩諂笑病于夏畦又巧言令色足恭無辭於丘明之恥何至以父母遺體供他人嘖笑如長信少府檀長卿作沐猴狗鬪舞媚平恩侯許伯者不有蓋寬饒一劾滔滔將何底止

酉陽雜俎利州臨江寺漁人網得一石如拳置寺中經



年重四十斤錄異記天復中洪州實石于越王山下長七八尺圍三丈餘節度使劉裕設齋祈謝七日內漸縮小僅七八寸留昭仙觀中詩曰我心匪石不可轉也又作何注脚

對句之佳者如劉寄奴徐長卿之類予於八卷中曾標舉數聯近讀竹垞朱先生靜志居詩話自言其幼時有前輩舉古人名俾屬對顧野王對沈田子鄭虎臣對沈麟士蔡興宗對崔慰祖蕭子雲對任伯雨魏知古對顏相時吉中孚對溫大有楊完者對晁補之杜審言對蕭思話貢師泰對齊履謙任蠻奴對張惡子金安上對鄭居中劉辰翁對逢丑父韓擇木對李栖筠蔡有隣對徐

無黨王巖叟對阮佃夫李思齊對石作蜀柳三變對張  
九成鄭櫻桃對郭芍藥王僧綽對馬仙琕祕彭祖對庾  
黔婁劉方平對徐圓朗劉仁本對范道根皆出天成益  
信古今無獨必有對也

宋徽艮嶽成令近山造油絹囊溼以水曉張之絕巘雲  
盡入括囊以貢及困於五國城也賦詞孟婆好做些方  
便吹箇船兒倒轉可笑此癡物一生靠天

介象讀符文正其誤人以此神象余則謂誤與正誰得  
其真必再生一介象始足信耳

淮南鴻烈解夫亂人者若芎藭之與藁本余集諸書攷  
之爾雅翼芎藭有兩種一似芹葉一如蛇牀香氣相似

用亦不殊又云芎藭之苗為蘼蕪其葉似蛇牀而香故  
曰蛇牀亂蘼蕪本草亦云蘼蕪芎藭苗也陶隱居曰蘼  
蕪葉似蛇牀蜀本蛇牀似小葉芎藭博物志芎藭苗曰  
江離根曰蘼蕪然則蘼蕪江離既分芎藭根苗安得謂  
小葉如蛇牀者名蘼蕪大葉如芹者名江離也解者以  
本草云蘼蕪一名江離郭璞云歷陽呼芎藭為江離似  
一物矣而子虛賦芎藭昌蒲江離蘼蕪上林賦被以江  
離揉以蘼蕪不應是一物樊光云蘼本一名蘼蕪根名  
蘼芷爾雅云蘼蘼蕪注香草葉小如菱狀博雅云山  
茝葍香蘼本也按芎藭苗為蘼蕪即不得苗曰江離根  
曰蘼蕪也既苗為江離矣又何分小葉大葉也既有小

葉大葉二種之分矣又何得槩言苗為江離也既芎藭之苗為蘼蕪即不得謂芎藭有二種也合而斷之苗曰江離即蘼蕪根曰蘄芷即芎藭而亂芎藭之藁本亂蘼蕪之蛇牀蛇牀另一物芎藭江離蘼蕪藁本蘄芷一物也埤雅楚謂離晉謂蘄齊謂芷又按上山採蘼蕪下山逢故夫蘼蕪即文無一名當歸有兩種一似大葉芎藭一似細葉芎藭左傳名山鞠窮子瞻和王鞏句度辭聊復託芎藭是也

楊用修云蕃釋觀中有瓊花即陳後主所謂玉樹後庭花曲云瓊樹朝朝新是也其花後姜夔宋傳子容詩比瑤如礬蕊未佳要須博物似張華因看異代前賢帖知是

唐昌玉藥花王介甫名為瑒花取其色白也山谷名曰山礬以其供染即今之梔子荅佛經薝蔔花本艸名越桃是用修以瓊花玉蕊山礬梔子總合而為一也容齋隨筆則以為即玉藥而引李衛公集潤州招隱玉蕊荅詩及晏元獻集借示揚州廟玉蕊詩序為證云此花因王元之更名瓊花不知山礬本瑒花而魯直易名者也梔子即薝蔔玉蕊自顯于唐昌而瓊花獨鍾于后土世無別種或以為即聚八仙花按退朝錄云揚州后土廟瓊花或云自唐時植舊不可移徙宋仁宗哲宗移植禁苑遂死載還復榮宦者陳深取孫枝接于八仙根上至今流傳杭褚家堂瓊花園是也然則瓊花非八仙明矣

鄭興裔瓊花辨云瓊花大而瓣厚其色淡黃聚八仙花小而瓣薄其色澈青瓊花葉柔平瑩澤聚八仙葉粗而有芒瓊花蕊與花平不結子而香聚八仙蕊低于花結子而不香予意瓊花玉也當是紅色後觀方秋厓稿有贈朱行甫詩云謂瓊為赤非為白始知前賢所見略同諸公之喙可息

張都水子宜

適

先生吾友敏求

星

之先世也幼穎悟七

歲能賦詩彈琴十歲通五經十三應江浙鄉試人以為聖童洪武初以秀才舉擢工部都水郎以病免得朱長文樂園故地居之詩所云坊存前哲號屋貯古人書也一時名流都為題咏復以明經舉授廣西理問厯滇池

魚課宣課二司大使衣食不給竟歿于官其詩名甘白  
先生集錢虞山列朝詩朱長水明詩綜皆亟稱之惜其  
集流傳甚少嘗從敏求所見家藏正統丁卯雕本詩文  
共十二卷原序謂其旋斡造化牢籠萬物者豈不虛也  
敏求味道耽書無慙詒厥必能表章先緒蠹簡重新書  
此以促之并識宗仰之意

和士開母死托附者持服奔喪鄴中富商丁鄒嚴興並  
爲義孝有一士人亦在哭限封孝琰入弔出謂人嚴興  
之南丁鄒之北有一朝士號叫甚哀按容齋四筆器物  
在首曰義髻在衣曰義欄曰義領樂書有義菑妓女以  
鹿角琢爲爪以彈箏曰義甲異哉孝亦有義者匍匐可

圖此顧不可圖乎

檀弓陳子車死其妻與其家大夫謀殉葬陳子亢後至  
曰以殉葬非禮也雖然則彼疾當養者孰若妻與宰得  
已則吾欲已不得已則吾欲以二子者為之也此與庸  
芮諷秦宣太后葬必以魏醜夫為殉同詞嚴而正前後  
一轍

將作大匠職官名之不典者孔北海魯國男子何等人  
物而辱此位及明代木工徐杲官大司空蒯義蒯劉蔡  
信郭文英左右侍郎名器濫假為之僚者不亦難乎以  
至少師陶文仲大宗伯邵元吉更何如人哉

南史吳丁奉宅晉江左周顗蘇峻素真道章武王司馬



修迭居之皆以凶終世稱凶宅王僧綽以正自居請為第未及居而敗予曰周王凶終自是德不勝妖按鐵圍山叢談劉器之嚮睢陽凶宅改塑土偶而怪不復作安在其能崇也

容槎蠹說卷第十一

容槎蠡說卷十二

歙 程 哲 聖跋

趙策襄子憂晉陽無矢張孟談曰董安于治晉陽公宮之垣皆以荻蒿苫楚膚之高至丈餘則蕭牆以蕭覆牆耳而宋儒解以諸侯至屏內有肅然之意或引爾雅周人炳蕭使臭達于牆屋何其迂而亡當乎

杜詩陳倉石鼓文已訛大小二篆生八分蓋八分悉由大小篆而出而張懷瓘則云本楷字漸若八字分散故名八分蔡文姬則云臣父言割隸字八分取二分割李篆二分取八分故名八分以二說考之蔡說較是杜句正取蔡說也

南華跖蹻暴戾其徒誦誼亡窮安史死河朔人稱為聖

其證也類而推之董卓祠於常山吳元濟祠於蔡王敦

像於武昌王欽若像於三茅秦檜祠於溫不有溫嶠毀數祠

蘭根毀卓祠劉隨毀欽若像王質孫瑜後先毀祠晦菴毀檜祠諸公將此

五奸者端冕而廟食後代愚氓孰辯其是非哉

新城夫子蠶尾集中有書傳國璽一條引何文肅樹丘

集傳國璽志元世祖時有札刺爾氏者漁于桑乾之濱

得之夜有光監察御史楊植辨其文以為歷代傳國璽

上之按薛尚功歷代鐘鼎彝器款識法帖碑本內載至

元二十一年甲午春正月八日世祖崩三十日得傳國

璽有御史中丞崔彥進牋曰臣番直宿衛御史臺通事

闊闊亦即衛告曰太師國王之孫同知通政院事拾得  
今既沒矣家計窟極其妻脫脫真縈病一子甫九歲托  
以玉見賀及出乃玉印也色青綠而玄光采射人其方  
可黍尺四寸厚及方三之不足背紐盤螭四獸方際紐  
盡璽埤之上取中道一橫窾可徑二分舊貫以韋條面  
有篆文八刻畫捷徑位置勻通皆若蟲鳥魚龍之狀別  
其髣髴有若命字壽字者急召監察御史楊桓至辨其  
文曰受命于天既壽永昌此傳國璽文也因直趨青宮  
同詹事王慶瑞等進獻皇太妃徽仁裕聖皇后前啓曰  
此古傳國璽也云云則辨璽文者監察御史楊桓非楊  
植也又按或所進牋亦與札刺爾氏漁于桑乾之濱得

之說亦各不同

桓字武子兗州人博覽群籍精篆籀之學由儒學教授任監察御史祕書少監官至國子司業崔所進牋

即桓所作拾得札刺  
國王遠渾察之子

南宋顧協為廷尉正冬服單薄蔡廓語人欲解身上襦  
與顧郎恐顧郎難衣食者唐李虞為尚書左丞妹壻劉  
晏見其門簾敝潛度廣狹織麤竹簾贈之三攜至門不  
敢發言去宋陳后山履常貧至累日不炊傳堯俞懷金  
餽之聽其議論不敢出士君子履世使賤於我者不得  
附親于我者不敢遺斯亦可矣

古禮庶子厭於嫡為所生母齊衰朞而北燕慕容熙后  
符氏死熙服斬衰被髮徒跣送割股剖心旌典不及而  
呼延贊割股為羹療其子奇怪事要須人做又有人母

病持刀就市人股割之市人駭叫曰割股救親是好事何叫為更奇絕

宋史秦檜曾孫鉅通判蘄州金犯蘄偕郡守李誠之竭力捍禦城破與李率兵巷戰歸署赴一室自焚老卒冒火挽出之叱曰我為國歿衣就燄子浚先出兵至還同弟澤從父死考史檜無子以妻兄王喚孽熺為子熺子塤秦氏世絕久矣鉅及浚澤故王氏肩耳奸臣何常有忠孝裔也

居易錄載吳季野

桐

夢華子文學戰國短長及管韓荀

卿可自作一子余聞季野曾著明通識未就猶子

肅公

續成亦談遷彪固之流亞也其書不知存否并誌之

吳君東巖

瞻泰

家姪偕柳有昭明選詩輯注一書時正

六臣之訛竄為確核凡例數則辯證尤精其一云援據之書固必詳所自出其一事而散見諸本者則宜覈其先後而亦不可概論如晉張華勵志詩隰朋仰慕予亦何人善注引南華管仲有病云云而不知已著沖虛則當引列而不當引莊宋謝靈運遊赤石進帆海詩虛舟有超越梁任昉哭范僕射詩常與虛舟值善注引南華方舟濟於河有虛船來觸舟云云而鴻烈作方船濟乎江有虛舟從一方來云云則視其本文與詩之字句相印合又當引淮南而不當引漆園也體會親切可為注家之法

金罍子嚴子陵加足而臥昌漢二百餘年之業夫漢二  
百餘年之業何藉於子陵即子陵加足而卧亦布衣狂  
態耳以為隱能用世是何物語也

明宣廟銅器鑪為首其製不一

有鼎鑪乳鑪花邊天雞橘囊壓  
經香奩角端象鬲區鑪番環六

後纓絡梵書太極桶鑪竹節馬  
蹄法蓋益孟馬槽熏冠等式

口有燈草邊花觚直  
口平口尖口井口

耳有橋耳魚耳  
沖天魚耳鰓

耳鵬耳番象沖天番象海獅龍鳳天雞  
箱索耳寬緊鸚鵡耳環耳朝冠戟耳蛭蚰香草壽帶鳥獸吞口肩有金

蓮寶相雲  
肩線肩

所取者

橋耳乳足魚耳石榴足鰓耳團足番象及鵬耳天雞  
海獅獸耳亦團足或累足香草高乳足戟耳石榴足

橋耳有三  
丁戈足

其品取上次取者

法蓋波斯足鸚鵡象首湯鑪足壓經環耳  
低乳足香餅足索耳有寬緊足有高低者

寬昂  
于緊

最下

桶鑪雲板足湯鑪  
足薰冠馬槽蓋孟

鑄耳多仿宋瓷款識有身耳

逼近無餘地者乃另鑄耳磨治釘入

釘耳多偽蓋宣鑪鑄耳不  
稱率揀出更鑄十不存一

色種種皆仿宋燒斑者初年色也

永樂燒  
斑本此

螭茶本色者中



年色也

謂燒斑掩銅質之精華乃尚本色用番礪同醋浸擦為之

本色愈淡者末年色也

純

本質燒成色愈淡而愈精采

其色

有赤金色三種石楠皮棠梨秋白梨栗殼海棠紅山查白素皮紅淺深藏經紙茄皮錫色

其

最淺藏經山查白海棠紅秋白梨

其次

漆金色漆左肩為覆祥雲腹以下為涌祥雲

至于雞皮色則火

氣久而自成

跡似雞皮摸之無跡即今所謂橋皮紋也

本色之厄有二嘉隆前有

燒斑色

時尚燒斑故取本色鑪重加燒斑

近則磨新厄

過求色淺磨治一款識陰新至有歲再磨者

款識

陽文真書大明宣德年製字完整地

後有偽造者

北鑄嘉靖初之學道前近之施家施不如

學道前開用宣銅別器改鑄然別器銅質原次于鑪且小治單鑄氣

有舊

鑪偽款者

永樂之燒斑尋耳多寬索腹多分檔景泰成化間之獅頭尋等厚赤金化雲鳥片帖鑄原款用藥燒景泰年製等字

有

真鑪真款而嵌釘者

當年監造每種成不敢鑄款呈上準用方依款鑄後謂有款易售取宣別器款色配者嵌入其

合縫在款隅邊際但從覆手審視自得痕影

故首視官造民造官造任其花素無不莊

雅華而不妖樸而不陋極草率處偏耐看玩

官鑄分兩無零剩錢數民鑄不

然純是琢磨車碾之精雖窮極工巧自乏大家規則

宣鑪惟色不能偽黯然奇光在裏望

之如至柔之物可以按搯迫視如膚有肉色蘊火熱之

精采善變偽者外光奪目內質理稿然矣

傳宣廟時佛殿災金銀銅像液

因用鑄器非也宣廟欲鑄鑪問工何法煉而佳工奏煉至六用鑪甘石點則現寶光殊色異恒用矣上曰煉十二煉是條之置鐵網篩格上用赤炭鎔之清者先滴備鑄存格上者作他器

金陵瑣事漁戶一日獻大魚入留守徐府巨如舟剖之腹中柱一虎家偕柳云宣城硃石漁家迫暮釣一鼃不及解也則縛其足置牛圈中夜有虎入圈盜牛鼃齧其爪虎護痛躍出兩挂於木次日衆譁以鼃為有功放之溪而屠虎載郡志金陵魚恨不及援此例子又曾閱一書某所一尉解餉過某山下遇大蛇衆走尉遭吞熱不

可耐尉西人也腰有小刀急取劃其腹風入頓涼乃極力割割得透出亡恙但兩耳鎔化耳

予家歙之南十五里有岑山屹立漸江中如青羸蒼蘚蒼蔚剝松插天先侍御公諱材祠在焉元師山鄭公玉

嘗結屋以居題之曰小焦山俗遂有小金山之目梅耦長先生詩云地小割金焦可稱實錄北壁稍下曰鄭公釣臺上有雲根石汪仲淹篆字徑八寸取為勝處唐天祐中建梵刹或亦呼為普陀乙酉春恭逢

今上南巡哲繪圖協族籲請錫名御書星巖寺三字額

之又為之榜曰山靈鍾瑞氣溪色映祥光而予叔姪兄弟輩復獲賜書十二乃創御書閣于其上鸞騫鳳翥

山川曜靈直堪與兩浮玉遙相鼎峙真幸事也

蔡京姦黨碑石工安民泣曰被役不敢辭但乞免鐫安民二字紹興初詔毀溫公隧碑毀折時大風走石群不敢近一匠氏揮斤前殪于碑下金罍子云兩工愚智千里余曰安民無遺恨後匠氏豈知其愚亦無遺恨也

許敬宗有忠孫盧杞有賢子所謂邁迹自身者然丈夫也王莽曹操千載神姦皆有賢女王皇室主莽欲嫁之令孫建世子盛飾問疾大怒鞭笞其侍御及莽敗兵入火起曰何面目見漢家投火死山陽公夫人魏受禪求璽綬怒不與使數輩至呼讓之以璽抵軒下流涕曰天不祚爾烈哉二女不意天地正氣鍾于大奸腹中

隋煬長女南陽公主嫁宇文士及化及弒煬竇建德誅  
之當族滅主子禪師方十歲以公主子聽留主泣曰武  
貴隋室貴臣此事何須見問建德敗主歸西京與士及  
遇於東都不與相見士及請復為夫婦拒曰恨不能手  
刃念謀逆之際不預知耳煬弒父而主恥反面事讎且  
忍心戕其所出大義凜凜然人生遭此何以為情

顏氏家訓譏訕不讀書人無餘地矣然對衆嘿塞不失  
守拙也世有一種強解事人可資捧腹素太沖同數紳  
謁監司候久閒話一紳曰司馬相如日擁文君看画遠  
山者甚樂也一紳曰然然下蠶室時亦甚苦矣太沖閉  
目搖首溫公吃一驚子閱此笑曰不有以兩都賦燕山

銘為班孟堅文字何關班固及華省名郎不畏二十八宿笑人者乎庶幾身不讀書無為作才語見向准自首免罪

宋弘興宗稱文帝旨詣王球就席球舉扇君不得爾齊紀僧真就武帝乞作士大夫帝命可詣江墩登榻坐之數呼左右移吾牀遠客皆不以士大夫借要人因歎昔士大夫何貴也

阮裕有好車人葬母欲借而不敢言裕聞曰有車使人不敢借何以車為命熱之司馬德操棄已蠶以箔應借者二事較之優在阮矣

万俟卨希秦檜旨殺岳武穆得為言官盡掇檜所忌晚

登政府稍為異同以離其跡罷去孝宗嗣位反高所為  
諸與檜善者謫竄編置禹緣此復登三事金壘詫小人  
多幸予曰小人何曾多幸登三事有幾時而鑄像反接  
耕父牧豎捶唾在萬世也又按孝新用政府湯思退亦  
檜黨而漏網者不獨賊禹

明皇舞象祿山得之令拜舞皆努目不動祿山盡殺之  
昭宗孫供奉朱溫篡位猴見溫跳躍奮擲溫殺之象教  
舞猴賜緋荒淫不道君失其君二畜雖義亦不善擇主  
哉

古禮有可議者祭必用尸夫尸卑且幼於上而尊者拜  
之是何禮也後世以木為主斯得之矣腐儒老生每以

今不逮古為言即此一事不已遠邁古乎

蒲州大司馬楊博過前門武安王廟必投鄉晚生帖江西費相公當軸同年某尚書投費帖稱年晚生一老戲之費鵝湖十八歲中狀元而某稱年晚生定是神童也此兩晚生請一參

章惇蔡卞欲殺劉安世擢土豪為轉運判官疾馳至梅未及二十里判官嘔血死金張柔為河北東西路都元帥燕帥辱赤台譖之中都行臺行臺召柔幽諸土室辱赤台施帳寢其上環以甲騎次日甘心焉赤台一夕暴死所殺者不死而殺之之人先死誰謂無天道也荀子非十二子篇盜名不如盜貨陳仲史鰭不如盜也是



何語史魚之直宣聖稱之儕於伯玉其直也何曾從名起見而至等之陳仲即仲亦谿刻自處耳未必為名豎儒多有此刻論

竇懷貞諂事權宦見無須者誤為之禮竇從一為州刺史每聽詞訟視兩造中有須無須無須輒加意推問以媚之須關何事而遇二竇則貴遇袁紹則求生不得也建炎四年有女子詣闕詐稱柔福授福國長公主紹興十二年顯仁太后回言柔福久死虜中鞠得其實伏誅予曰臣構受詐多矣棄父若兄于生時而稱臣傾府藏殺戰將請其柩于既死及楊髡發陵微則朽木一段欽則木鐙藥一枚昏德重昏痠骨仍留于腥羶之土柔福

詐又其末耳

晉劉遐妻羊氏續女驍果有父風遐為石虎所圍羊將數騎拔遐出萬衆中勇武賁育之流亞也及遐假節淮陰卒遐妹婿田防等欲為亂止之不從乃密縱火燒甲仗盡又何其智推轂專閫以名為將者愧此多矣

揚雄劇秦美新至今傳之陳子昂周受命頌未之傳也文人亦有幸不幸耶

寇準知永興軍遇生辰排設儀如聖節晚衣黃道服簪花走馬承受以叛奏真宗出奏示執政太尉王旦熟視對準許大年紀尚騷可劄與知之大臣當主怒不測一言釋上意造福無量矣

宋太祖乾德三年平蜀閱蜀宮人匳具得鏡背字乾德四年鑄大驚出以示宰相皆不能對學士竇儀奏蜀少主曾有此號必蜀中鑄也太祖歎作宰相須是讀書人按儀迄未作宰相

呂后恚楚舍人弟告韓信變信受長樂鐘室之誅又恚梁舍人告彭越反而越醢高帝皆不察白登之後冒頓亦聽閼氏語開圍一角俾漢突出何彼時婦言徹于中外若此

裴寬瘞鹿至今聲稱不絕其比黨誤國未聞表而出也安祿山兼范陽節度席豫為河北黜陟使表祿山公直寬順旨稱其美由是祿山益堅上寵恣其意而無忌史

稱寬為政清簡不避權貴徇私黨奸孰有屈於是者史之不可信何以示後世

韓非子和氏篇豫讓為知伯臣上不能說主使明法術度數以避禍難下不能御衆以安其國及襄子殺伯乃黥劓為伯報讎雖殘形殺身而實無補於知伯若秋毫之末也此吾所下也然士固有一得若豫氏者知其一而不知其二斤斤以節著者也必以周孔之全材程之此一偏之論予未敢以為然

東坡詠賈梁道如今更恨賈梁道不殺公間殺子元以司馬景王之病梁道與王凌守而殺之也予曰使梁道殺充則夕陽亭不留無復南風亂晉矣為魏巧徒報復

妙在存充不殺

世論大奸輒數溫懿莽操余操三寸不律斷之溫始終一賊不足論若莽以戚孽操以寺人子則誠國奸司馬之篡魏譬莊驕奪跖太山之肝而鋪之所謂出乎爾反乎爾者也

山谷論書法云此事須人自體會得不可見立論便興爭也此語可移為講學者告

漂粟手續流波山下有然海千里居民汲以代油秦始皇使人泛千艘取仙草舟人夜以燭跋投海中火大發延燒千里無一人還者既無一人還孰知燭跋投海中又孰知延燒千里也木玄虛海賦陰火潛然然海容有

而秦事不經

夫釋大道而任小數無以異于使蟹捕鼠注以艾灼蟬  
匡置鼠穴中適能擒鼠按南宋元嘉三十年周朗疏云  
今又知不以羊追狼蟹捕鼠然則淮南注誤矣

山人李洪言瓷瓦器罍者雷蠱鬼魅多遁其中南華老  
不云乎戶內之煩壤雷霆處之則其物也罍者器破而  
未離者也

輟釜蓐食一時頓有此兩盲婦然丘嫂南昌亭長婦不  
勝書也

酉陽雜俎大足初士人隨新羅使為風飄至博桑州拜  
士人司風長兼駙馬見姬嬪悉有須因賦詩其王曰駙

馬竟未能忘情小女頤頤間耶余曰蚯蚓鳴則旱螽躍魚跳躍則蜥蜴依吉弔鹿交孔雀蛇偶物混雜則有之人即不良何至贅聳於戢波之長須乎

陳餘遭里門吏笞怒欲起淮陰乃熟視出市少年胯下即此一著餘故為信斬泝水上矣

詐取人財物人多詈之此不足詈也古有大脫騙徐福脫始皇童男女數千稱王海島千年指摘莫及羨且不暇而詈乎

坡有句但恐珠玉留君容千年不朽遭樊崇此詩只可對楊王孫讀牛山雍門正自不解若語向石樽司馬且申申其詈汝矣

唐人詠維揚人生只合揚州死禪智山光好墓田然觀  
於唐宋元明四朝之季軍民相食屠戮無噍類安見其  
可死而墓田善也若南華所云南越建德之邑則誠生  
可樂死可葬矣而世焉有此國哉

韓淮陰張北平計相皆以罪法當斬解衣伏質而遇夏  
侯嬰王陵二人脫之若明末獻賊脫於陳洪範天不厭  
亂毒播三巴豈真有破軍星並生而應運也耶

日本國抄本國史嘉興徐某令內丘所得朱竹垞太史  
親見之其紙似高麗而較薄頁面皆人血染漬作殷紅  
色題曰吾妻鏡義理極幻異

明萬曆間仁和張問渠家宰先州之兄母陳好朱魚嘗



畜二十餘頭玩弄日久母歿問渠哀毀不忍往視皆變  
為白群客聚觀咸謂魚常變色無異也比及去喪之日  
魚復變赤儼同除喪人謂孝感所致

宋宮人品名有紅霞帔又有紫霞帔紅霞帔紹興間如  
張頑兒鄭廿八侯九娘馮十一娘張真奴劉翠奴劉十  
娘鮑憚兒王八兒皆是紫霞帔則如王受奴之類

西湖志載哀親

宋書云王八兒段叔劉貴也晉人兒并陽周客詩聖  
事已空華遠寺對高松春華望地陽名

甬上張白齋琦當信陽北地時一時靡然風偃而白齋

高倡單行不阡不陌王鳳洲詩評至謂其夜蛙鳴露不

離泥中謬矣李杲堂題張白齋絕句卷云新意常從

方寸舒試看四序有推除諸君死守唐人句六十年前

舊曆書

李朱涯平泉艸木記詩云蘭花秋更紅從來都未之解  
宋元人蘭譜首載陳夢良趙十使之類則皆以紅為貴  
至有初日輕霞之目後有特列建州白數種是閩蘭確  
有紅白二種矣今江南好事家多收蓄閩蘭貴種而都  
無紅者即詢之土著并凡宦游其地者皆云曾未之見  
殊不可解

秀水朱竹垞太史題顧夫人畫蘭云猶有秦淮  
芳艸色輕絢勻染夕陽紅自注云夕陽紅蘭也

雲間女子月移題詩涿州旅壁情態宛然頗足吟諷其  
詩曰寒雞初唱已中宵獨擁銀釭伴寂寥一月不將奩  
具理侍兒猶道黛痕嬌密意深深人未知自將新恨寫  
新詞郵亭多少題詩客誰是當年杜牧之後跋家君作

官都門氏隨母赴京邸有感書此時年十七齡云云但惜不傳其姓若菴記諸停驂隨筆中謂標梅之怨恙露毫端良屬可念殆亦深賞之也然較諸楊循吉所稱女秀李氏桃花一簇開無主終不留題崔護詩之句風格則有間矣

郭氏青衣捧劍恥作愚俗蒼頭柳家婢死則死耳不能事賣絹牙郎是一對絕妙同調向疑康成二婢難於議壻苟氤氲老人以一配蕭家戀博奧者以一配郝司空家知及文章事事有意者庶兩不負按司空家多佳僕偵王氏子弟能賞識坦腹右軍劉尹即善謔安得以常奴目之

唐藝文志任翻詩一卷世罕傳本宋荆溪吳氏謂今郡齋有翻小集僅十篇而已翻有題巾子廣軒詩絕頂新秋生夜涼鶴飛松露滴衣裳前村月照半江水僧在翠微開竹房此詩集中不載翻赤城人

陶隱居閉影不交外物王僧祐閉戶自守上自天子下至侯伯未嘗與一人游韋蘇州鮮食寡欲埽地焚香而坐趙清獻朝夕課誦祇役惟一老兵明魯穆不交小人亦不交君子如此并絕交論都可不作然友生之快如望衡對宇歡情自接玄言相滯彌日不解聞多素心人樂與數晨夕得如諸公必不以此易彼

偶閱近代文集數種頌勲業則人人韓范敘將略則人

人衛霍贊文學則人人左史獎吏治則人人龔黃此風自漢有之魏晉之際彌甚洛陽伽藍記記晉武時隱士趙逸正光初猶存或詢以先朝事逸云自永嘉以來三百年餘建國稱王者十有六君遊其都邑目見其事國滅之後觀其史書皆非寔錄莫不推過于人引善自向前朝王文成亦嘗謂王道不明人偽滋而風俗壞上下相罔以詐人無寔行家無信史三代以後吾觀其史如江河之波濤爲聊以知起伏之概而已詎不信夫

向疑樞星門取義宣城張鈍夫

延世

先生秉鐸宿松時

東某一札云舊留京國子監聖殿紅門每扇最上雕空牕櫺九條長尺有咫下勾列圓點三層突起高二寸許

圍約四寸餘每層其數九遠望若攢星義或取此敝郡  
邑兩庠尚留遺制松邑遭明季流寇兵火後來重建而  
有櫺無星徒存其名耳或述祀靈星之說見史記漢書  
者則為農祥故了無干涉也又按左傳哀公十八年伐  
齊之役晉州綽門於東閭以枚數闔注以闔為門扇門  
扇只二何用數必數闔上物如今城門上鐵礮之類可  
推古人制作不可以今人耳目測也

吾鄉黃山有三十六峰析之為三百六十再析之為三  
千六百三萬六千峰了無窮盡溪澗泉石巖洞之屬數  
亦如是余以癸巳二月淫游首尾纔六日忝住荒率未  
能飽飫其勝然一日霧四日晴一日雪變幻霸譎多出

意表其寂足盪眩耳目者在於同雲初霽時萬山皚皚  
恍然如銀海瓊樓清澄高寒不知身世復在何處林木  
素積恙結成玉蘭朵朵微風振之作環珮聲懸瀑千丈  
枝枝冰箸倒垂欲墜未墜見覲解落寸璣尺璧觸石激  
響不翅碎萬斛琳琅也久之所謂玉蘭已易為幽梅萬  
點著松鍼上縞衣映碧又似萼綠華仙子化身不比尋  
常美人月明林下巡歷中覺有異香冷韻頻來襲人薄  
暮登鍊丹臺望落照見石牀峰巔一人通體瑩潔如披  
白練初疑是積雪頃復趺坐石洞中面正赤如自然銅  
色頭稍稍顫動不止忽有光若電颯已而焱火迸起遂  
隱不見山僧以為白猿公常出沒丹臺左右時作此狡

猶云斯又一奇矣此患諸遊譜中所未及略誌於此

容槎蠡說卷十二